



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

Komunikadu Imprensa

Periodu: Maiu 2011

Edisaun: 03 Maiu 2011

**Leitura akordaun ba kazu omisídiu agravadu, hetan pena tinan 14 Prizaun:
Progresu ida ba kazu violénsia ba jéneru**

Iha lora 03 fulan Maiu Tribunál Distrital Dili hala'o julgamentu ba lee leitura akordaun. Kazu ne'e akontese iha Suco Estadu, Distritu Ermera. iha lora 16/08/2010 no rejistu iha tribunál ho numeru prosesu 34/C.ord/TDD/2011, ne'ebé involve husi arguidu Clementinho Ximenes hasoru lezada F nu'udar arguidu nia kaben.

Julgamentu ba Kazu ne'e prezide ho kompozisaun husi Juiz kolektivu maibé iha leitura de akordaun ne'ebé lidera husi Juiza Rosa Brandão (Juiz Internasionál), husi parte Ministériu Públiku, representa husi Dr. Domingos Barreto no arguidu rasik hetan assistensia legal husi Dr. Jose da Silva husi eskritoriu Defensória Públika.

Diretór Interinu JSMP Casimiro Dos Santos haktuir katak” *desizaun ne'ebé tribunál hatun tinan 14 no selu indemnizasaun \$. 700.00 ba familia vitima ne'e dezisaun ida ne'ebé justu no kredivel tanbá tuir gravidade krime ne'ebé arguidu komete. Iha parte seluk nia hatutan katak, desizaun ne'e nu'udar progresu ida ba kazu violénsia bazea ba jéneru tanbá ne'e enkoraza ba autór tribunál sira iha futuru nafatin tau konsiderasaun hodi fó pena adekuadu bazea ba gravidade krimi atu nune'e bele reduz krime violénsia bazea ba jéneru.*

Aleinde ne'e desizaun refere hanesan mós parte ida atu eduka arguidu nune'e nia labele komete tan krime iha tempu ikus bainhira nia livre husi prizaun, nune'e mós hatudu ba comunidade en jerál katak tribunál iha duni seriedade no iha esforsu masimu atu bele prosesu kazu hirak ne'ebé sensitivu no akontese iha comunidade ne'ebé afeita ba establidade comunidade iha suco refere.

Bázeia ba kronolojia kazu ne'ebé mak haktuir husi Ministériu Públiku katak, kazu ne'e akontese iha suco Estadu, Distritu Ermera iha lora 16/08/2010, wainhira iha dezintendimentu entre arguidu ho lezada kona-ba osan ne'ebé mak lezada deve husi ema seluk. Husi dezintendimentu ida ne'e, arguidu duni lezada ho katana no konsege ta'a lezada to mate.

Refere ba faktus ne'ebé tribunál produz katak, provadu arguidu iha duni intensaun hodi prátika aktu omisidui ba nia fen. Arguidu konfesa hahalok hirak ne'e no arepende duni nia sala, aktu ne'ebé arguidu komete tuir loloos hanesan laen nia mak tenke fó protesun ba vítima rasik, provadu mós katak antes ne'e de faktu iha duni dezintendimentu entre arguidu no vítima.

Bézeia ba faktus hirak ne'e tribunál hamonu pena tinan 14 prizaun no selu indemnizasaun \$.700.00 ba vítima nia familia.

Observasaun JSMP ba kazu ne'e hatudu katak, desizaun ne'ebé tribunál kolektivu foti ne'e justu no kredivel tanbá arguidu prátika krime omisidui agravadu hasoru nia fen ne'e nu'udar aktu krime ida ne'ebé desumanu iha komunidadade nia let.

Atu hetan informasaun kle'an liu tan favor kontaktu:

Casimiro Dos Santos

Diretór Interinu JSMP

Email: casimiro@jsmp.minihub.org

Landline: +670 3323883